

## DEO OPTIMO MAX.

## UNI ET TRINO,

VIRGINI DEI - PARÆ, ET S. LUCÆ,  
Orthodoxorum Medicorum Patrono.

## QUÆSTIO MEDICA,

QUOD LIBETARIIS DISPUTATIONIBUS,  
manè discutienda, in Scholis Medicorum, die Jovis vigesima-  
septimâ Januarii, anno Domini M. DCC. XLVI.



M. PETRO-JOANNE BURETTE, Antiquiori  
Scholæ Magistro, Regis Consiliario Medico & Sub-Biblio-  
thecario, Professorum Regionum Decano, è Regiâ  
Inscriptionum & Humaniorum Litterarum Academiâ, &  
Regio Librorum Censore, Doctore Medico, Præside.

*An Gymnastica, Morborum contumacium optima plerumque Medicina?*

## I.



T sanitatem expeditis humorum placidè fervescendum circuitus, nec-  
non idoneus fibrarum *tonus* efficiunt ac tumentur; sic laxior vel strictior  
harum textura, ut & illorum, aut nimis rurgentium, aut effectorum,  
restagnatio varios procreant morbos. Hi, vel citò sua tempora percun-  
runt, & Acuti dicuntur; vel ægrotos pertinaciùs affligunt; modò eodem  
tenore, ut Paralysis; modò periodicis accessionibus, ut Epilepsia, Quar-  
tana febris, Hysterica passio; & longi, tardi, *Chronici* nuncupantur. Morborum diu-  
rurnitas, vel à contagiosâ labe extrinsecus ascitâ, nec nisi speciali antidoto expugnandâ,  
pendet, ut in *Syphilide* cernere est: vel à vernaculo, si sic loqui fas est, tam solidorum,  
quàm fluidorum vitio proficiscitur. Tardarum hujus generis passionum, aliæ à celeri-  
bus perperam judicatis veluti sobolescunt; aliæ ultrò & per se oriuntur. Utrarumque  
causæ repetendæ sunt, cum à staminibus partium sensim debilitatis, ut in Gonorrhœa  
& Diabete contingit: tum à succorum degenerum, in acorem sæpè sæpiùs vergentium,  
adeòque spissescendum cunctatione, vel inordinato motu; unde multiplices organorum,  
quibus alibilis lymphæ vel perficitur, vel distribuitur, obstructions. Cum sic humor  
iste devius alicubi cumulatur, ut fibras à se invicem divellat easque dilaceret; indolis  
varie tumores, vix aliter, quàm Chirurgiâ sanabiles, progignit. Cum paulatim canali-  
culorum, quibus circumfertur, lateribus tantum accrescit, ita ut postmodum aut resolu-  
habilis sit, aut refoberi; vel cum in aliquâ corporis cavitate congeritur, ex quâ, sive  
per patentem vias, sive per cuniculos queat derivari: tunc Medicam opem exposcit Prioris  
casus offerunt exempla, Cachexia, Phthisis, Cephalæa, Vertigo, Mania, Melancholia,  
Asthma, Colica passio, Alvi-profluvia, Icterus, Licnis affectus, *Chlorosis*, Rheumatismus,  
Arthritis, Elephantiasis, &c. posterioris verò, Hydrops, Empyema, & quadam Renum  
casus Vesicæ affectiones. Horum omnium curationem eò sapientiùs feliciùsque Medicus  
instituet, quò tutiùs atque jucundiùs proximas eorum causas debellare conabitur.

A

**E**A morborum optima censenda est medela, quæ ad Naturæ sanantis ingenium propius accedit, nec-non ex ipsius penu maximè depromitur. Naturæ vocabulo quid aliud hæc Medicis venit intelligendum, quàm corporis humani mirabilis fabrica, sic comparata, ut statim atque, quâvis de causâ, deflexit à sanitatis æquilibrio, veluti sponte suâ pristinum statum recuperare contendat. Sic, in acutis, natura medicatrix viribus totis insurgens, aggreditur humorum inquinamenta, eorumque præviâ fermentatione domitorum secretionem faciliori viâ molitur. Eadem, sub longis affectionibus, tota est in atterendis, emolliendis, atque dissolvendis, quantum valet, succorum hærentium concretionibus; idque omnigenis fibrarum succusibus efficere tentat. Idem penitus Ars Naturæ sapientis æmula præstare nititur, nunc remedium tam vacuantium quàm alterantium ministerio, nunc solâ diætâ, seu ad sanandum appositâ victûs ratione. Universum alterandi vacuandivè negotium, licet ocyûs & efficacius aliquando morbidam causam profliget; periculose tamen plenum opus alex meritiò judicatur, ut & ægrotanti sæpenumerò perquam injucundum. Diætâ verò, ut potè à naturali regimine minùs abluens, toriorem ut plurimum gratioremque decumbentibus sanitatem promittit. Hujus ditionis sunt Aër, Alimenta, Somnus & Vigilia, Motus & Quies, animi Pathemata, Excernendorum Retinendorumque modus: quæ cuncta prudenter administrata, non modò valetudinem factam testamque servare nata sunt; sed & eandem labefactam, sensim accisis morborum radicibus, citrà ullum ægri discrimen aut fastidium, instaurare. Verùm, inter hæc tam utilia sanitatis subilia, præsertim eminet ea Motûs species, quæ Exercitationi dicitur. Exercitationem describit Medici, Motum corporis humani paulò vehementiorem, partim spontaneum, partim ab agentibus externis mutuatum, cum respirationis immutatione, sanitatis tuendæ, morborumque depellendorum gratiâ institutum.

## F I I.

**G**ESTIONI tam salutari Gymnastica præest; Ars, à Veteribus excolta diligenter, ut à Recentioribus nimium neglecta. Hæc, vel universam corporis molem exagitat, modò violentiùs, ut in Lucta, Pancratio; modò remissiùs, ut in Saltatione, Natatione: vel certa membra peculiariè exercet; artus nimirum superiores, in Chironomiâ, variis Sphæristicæ generibus, Pugilatu, Disco, Halteribus, Acrocheirismo; inferiores, in Cursu, Saltu, Ambulatione; Thoracem, in spiritus cohibitione, Vociferatione, Cantu, Recitatione; partes Abdomine conclusas, in Equitatione, Gestatione, &c. Ad Gymnasticam omnigena non solum Exercitia pertinent, sed & insuper quæcumque vel ad ea præparant, vel eadem statim excipiunt; ut Balnea, tam calida, quàm frigida, Laconica, Frictiones, Unctiones, pulveris aspersiones, & similia. Hæc universa curandis longioribus morbis apprimè conducunt, quatenus proximas eorum causas potenter adoriuntur. Sæpius namque repetitis musculorum contractionibus, & vehementiùs identidem concussis visceribus, ut in omnibus Exercitiis, variisque eorum *diægnosis*, plus, minùs, usu venit; vim *elasticam* fibris, debitam torpentibus humoribus *æque* paulatim restitui necesse est. Hinc reintegratis partium solidarum *oscillationibus*, liquores validiùs propelluntur, petrumpuntur circuitûs obices, succi concreti dissolvuntur, dissoluti resorbentur, per idonea glandularum incernicula demùm segregandi. Sicubi restagnent, è propriis effusis conceptaculis, iterarâ partium ambientium compressione, cæcos earum meatus subite coguntur, quibus exitum sibi quærant. Uno verbo, Gymnasticæ ope, ciborum coctio juvatur, acceleratur succi nutritii distributio, variæ secretiones promoventur, ea præsertim, quæ sit per cutis spiracula, quæque maximi habenda est ad sanitatem vitamque ipsam momenti. Porro, cum multiplex Exercitationum genus diversæ Chronicorum affectuum indoli respondeat, sapientis est Medici singula singulis sic aptare, ut desiderata indè curatio sequatur. Sic morbis universum systema corporis afficientibus ea in medelam adhibere Exercitia, quæ totam illius compagem exerceant: iis verò ægritudinibus, quæ certas duntaxat partes obsident, peculiari & propriâ hæc morbis Gymnasticâ opituletur.

## I V.

**T**ANTA eximie illius Artis efficacia ad morbos longiores eradicandos, non inanis est speculantis Physici, & vanis hypothesebus nimium indulgentis conjectura; sed

veritas præstantissimorum omnis ævi Medicorum experimentis & observationibus comprobata. Evolvantur Veterum, cum Græcorum, tum Latinorum libri, de tardarum passionum curationibus pertractantes; nihil ibi reperitur Exercitatione frequentius ac felicius ad eam rem usurpatum. Sic Febres quartanas Ambulatione & Frictione curabat (a) Galenus; Vociferatione, (b) Aëtius: Cachexiam, Unctionibus, Frictionibus, Balneo, (c) Celsus; Phthifin & Atrophiam, ambulatione, (d) Hippocrates; Gestatione in lectica, & Navigatione litorali (e) Celsus; (f) & Calus Aurelianus; deambulatione, frictione & lavacro (g) Themison. Ex Capitis & generis nervosi diuturnis affectionibus, Cephalæ in inveteratæ Chironomiâ, Halteribus, Natatione marinâ, Saltu, ambulatione, gestatione, navigatione, Volutatione in arenâ succurrebat (h) Aretæus, Luctâ, ambulatione, Recitatione, Vestatione, Cursu, Chironomiâ, Retrogressu cum saltibus, Ductibus circularis, (i) Calus Aurelianus; Subsultibus, Antyllus apud (k) Oribasium; Veritigini, graviori Cantu, Pupilatione, cursu, saltu, gestatione, Disco, (l) Aretæus; Epilepsiâ, Chironomiâ, idem (m) Medicus; Sphæristicâ, gestatione in sella, deambulatione, vociferatione, (n) Calus Aurelianus; Equitatione, (o) Alexander Trallianus; Infantiâ, ambulatione, cantu, recitatione, gestatione in vehiculo, (p) Calus Aurelianus; Melancholiâ, luctâ, gestatione, deambulatione, inunctione, (q) Aretæus & (r) Theodorus Priscianus. Paralyticis, gestatione, halteribus, & natatione marinâ, (s) Calus Aurelianus opem ferebat; Incubo laborantibus, gestatione: Surdis, equitatione, (t) Alexander Trallianus; Tremore affectis, Pilâ, unctionibus, frictionibus, acri ambulatione, (u) Celsus; Skiamachiâ, (x) Antyllus; linguæ & instrumenti vocalis Resolutioni, ne, (v) Celsus; expiratione coarctatâ, & vociferatione, (y) Celsus, (z) Paulus Aegineta, & (æ) Aëtius. Plerosque Thoracis morbos contumaciores Gymnasticæ auxilio similiter perscrutabant. Sic Asthmaticis, ut ambularent, spiritum cohiberent, gestarentur, vocem exercent, peregrinarentur, navigarent, unctione, frictione, ψυγγραφοῖς uterentur, immo perabat (aa) Cal. Aurelianus; (bb) Theodorus Priscianus verò, ut vestibus lanceis obvoluti current. Hemoptoicis idem (cc) Aurelianus gestationem, deambulationem, navigationem præscribebat. Tussum ambulatione, cursu, retentione spiritus, Lectione vehementi, acrocheirismo, navigatione, natatione (dd) Celsus oppugnabat; spiritus cohibitione (ee) Galenus. Jam verò, quod spectat ad chronicos infimi ventris affectus, Skiamachi imbecillitati, Dyspepsiâ, Anorexiâ, Vomitu, Singulti, vociferatione, deambulatione sub divo, lavacro frigido medebantur (ff) Antyllus, (gg) Aëtius, (hh) Cal. Aurelianus; Singultui peculiariter, sternutamento (ii) Galenus; ambulatione longâ & concitatâ, gestatione, & equitatione (kk) Aëtius: Cœliacæ passioni, chironomiâ, halteribus, vociferatione (ll) Aretæus gestatione, ambulatione, peregrinatione, natatione, (mm) Cal. Aurelianus; Diarrhæâ, equitatione, gestatione in vehiculo, (nn) Celsus; Colicis doloribus, sphaeræ lusu, cursu, ambulatione, frictione cum retentione spiritus, unctione, gestatione, (oo) Cal. Aurelianus; Ictero, gestatione, & navigatione (pp) idem Medicus; natatione frigida, (qq) Celsus; Hydropi, luctatione summis humeris, & deambulatione, (rr) Hippocrates; luctâ itidem, (ss) Antyllus; volutatione in pulvere, cursu, gestatione in vehiculo, (tt) Aëtius; equitatione, navigatione, gestatione in lectica, (uu) Alex. Trallianus; natatione marinâ, (xx) Celsus, nec-non ambulatione, cursu, gestatione: Spleneticis, luctatione summis humeris, & lignorum sectione per dies triginta, (yy) Hippocrates; deambulatione, gestatione, equitatione, vociferatione, cursu, (zz) Aëtius & (æ) Theod. Priscianus: Renum affectibus, cursu, (aaa) Antyllus; Gonorrhæâ, cursu, idem (bbb) Medicus; ambulatione, gestatione, & balneo frigido, (ccc) Aretæus; menstruum suppressioni, saltu, (ddd) Hippocrates & (eee) Antyllus. Ad extremas corporis affectiones idem genus curationis usurpabant. Sic, verbi gratiâ, Ischiadicos, ambulatione, & gestatione in lecto agitabat (fff) Hippocrates; equitatione, (ggg) Theod. Priscianus; Arthriticis, halteribus, gestatione, ambulatione, vociferatione, natatione exercetbat, (hhh) Cal. Aurelianus. Ulcera crurum halteribus quoque curabat (iii) Galenus; Elephantiasin, cursu, Corycobiâ, vociferatione, (kkk) Aretæus; cursu, (lll) Celsus; natatione & navigatione, (mmm) Cal. Aurelianus; hæc sed litorali, (nnn) Aëtius; (ooo) Antyllus verò, natatione marinâ; ignem sacrum, ambulatione & gestatione, (ppp) Celsus; &c.

- (a) Ad Glancon, l. 1. c. 12.  
 (b) Terab. 1. ferm. 3. c. 5.  
 (c) L. 3. c. 22.  
 (d) De intern. affectionibus, sect. 11.  
 (e) L. 3. c. 21.  
 (f) Chron. l. 2. c. 14 & l. 3. c. 7.  
 (g) Cal. Aurel. Chron. l. 3. c. 7.  
 (h) Chron. cur. l. 1. c. 2.  
 (i) Chron. l. 1. c. 1.  
 (k) Collect. l. 6. c. 31.  
 (l) Chron. cur. l. 2. c. 5.  
 (m) Ibid. c. 4.  
 (n) Chron. l. 1. c. 4.  
 (o) L. 1. c. 15.  
 (p) Chron. l. 1. c. 5.  
 (q) Chron. cur. l. 1. c. 5.  
 (r) Ad Timoth. l. 2. part. 2. c. 1.  
 (s) Chron. l. 2. c. 1. c. 3.  
 (t) L. 3. c. 6.  
 (u) L. 3. c. 27.  
 (v) Orib. collect. l. 6. c. 25.  
 (y) L. 4. c. 4.  
 (z) L. 3. c. 18.  
 (æ) Terab. 2. ferm. 2. c. 5.  
 (aa) Chron. l. 1. c. 1.  
 (bb) Ad Timoth. l. 2. part. 2. c. 12.  
 (cc) Chron. l. 2. c. 13.  
 (dd) L. 4. c. 4.  
 (ee) De sympt. caus. l. 2. c. 4.  
 (ff) Orib. collect. l. 6. c. 8.  
 (gg) Terab. 1. ferm. 3. c. 5.  
 (hh) Chron. l. 3. c. 2.  
 (ii) Remed. parat. l. 1. c. 10.  
 (kk) Chron. 3. ferm. 1. c. 5.  
 (ll) Terab. cur. l. 2. c. 7.  
 (mm) Chron. l. 4. c. 4.  
 (nn) L. 4. c. 19.  
 (oo) Chron. l. 4. c. 7.  
 (pp) Chron. l. 3. c. 5.  
 (qq) L. 3. c. 24.  
 (rr) De intern. affectionibus, sect. 28. & 29.  
 (ss) Orib. collect. l. 6. c. 28.  
 (tt) Terab. l. 2. c. 6.  
 (uu) L. 9. c. 3.  
 (xx) L. 3. c. 21.  
 (yy) De intern. affectionibus, sect. 33.  
 (zz) Terab. 1. ferm. 2. c. 13.  
 (&) Ad Timoth. l. 2. part. 2. c. 15.  
 (aaa) Orib. collect. l. 6. c. 22.  
 (bbb) Ibid.  
 (ccc) Chron. cur. l. 2. c. 5.  
 (ddd) De nat. pueri.  
 (eee) Orib. collect. l. 6. c. 31.  
 (fff) De intern. affectionibus, sect. 54. & 57.  
 (ggg) Ad Timoth. l. 2. part. 2. c. 21.  
 (hhh) Chron. l. 7. c. 2.  
 (iii) De compos. medic. per genera, c. 2.  
 (kkk) Chron. cur. l. 2. c. 3.  
 (lll) L. c. 26.  
 (mmm) Chron. l. 4. c. 1.  
 (nnn) Terab. 1. ferm. 3. c. 6.  
 (ooo) Orib. collect. l. 6. c. 27.  
 (ppp) L. 5. c. 28.

**A**TENIM, reclamant rei Gymnaſticae rudes Medici, quique Divam Salutem, agris opem laturam, Tonſtrinis potiùs & *Pharmacopoliis* autumant habitare, quàm Palaeſtris; Vetres quidem diuturnis ægri tudinibus, varias Excretiones adhibuere; verùm ut ſubſidiaria duntaxat præſidia, quæ curam præcipuam, vacuantibus & alterantibus inſtitutam, aliquatenus promoverent, non quæ integram præſtarent. Conſulantur, inquit, leges ab antiquis Medicinæ Principibus ſancitæ circa Morborum longiorum Therapeian, eam ubique ab omnigenis Medicaminibus auſpicandam cenſent; nec Gymnaſticen advocant in auxilium, niſi ut curationi multùm jam affectæ manum ultimam imponant. Imò verò, longè aliter ſe res habet. Ad ſalutarem enim hanc artem ut plurimum confugere jubent, cùm aliis remediis, propter morbi pervicaciam, parum omnino profecerit Medicus: ſic, ut penes illos, præſidiorum ad ſingulas affectiones enumeratorum agmen Exercitia ferè claudant. Maximo ſanè argumento, miram eis poteſtatem ad medendum Vetres tribuiſſe. Nam recenſitis primùm validioribus remediis, alia ſubjungere levioris armaturæ, veluti paria perficiendæ curæ prioribus fruſtra tentatæ, ridiculum foret atque abſurdum. Nec minùs ad ſanandum efficaciẽ Gymnaſticam Recentiores experientiã quotidianã deprehendunt; utut eam, longã deſuetudine penè abſoletam, vidum à primo limine ſalutent. Sic Peregrinatione vel Navigatione ſuſceptã, Melancholicos, Tabidos, alioſve id genus ægrotantes ſanitati reſtitutos videmus. Sic Sphæriſticæ, Saltationi, & ſimilibus operam dantes, cum tardis Paſſionibus rarò conſiſtantur, Quin & gravioribus Exercitiis, remigio, verbi gratiã, fontes addicti, à pertinacioribus morbis, & nullo pharmaco deviſtis, ſæpenumero convaleſcunt. Inſuper Britanni, re vocatis nuper in uſum Balneis frigidis, adverſus iniquam valetudinem antiquitus tantopere decantatis, & juris Gymnaſtici, Hemicraniam, Paralyſin, Aſthma, Colicos dolores, Icterus, Hydropem, Iſchuriam, Rheumatismum, Arthritin, Iſchiada, Scabiem, Elephantiaſin, alioſque ejuſdem proſapiæ Morbos feliciter quotidie percurant. Cùm itaque, & ratiocinio, & experientiã, tam Veterum, quàm Neotericorum, abunde conſtet, Gymnaſticen affectibus chronicis tutiùs & jucundiùs multò ſuccurrere, quàm cætera præſidia; legitimã conſecutione deducitur.

*Ergo Gymnaſtica Morborum contumacium optima plerumque Medicina.*

## DOMINI DOCTORES DISPUTATURI.

*M. Petrus Bereber.*

*M. Andreus Cantwel, Regiæ Societatis Londinenſis Socius.*

*M. Ludovicus - Hieronymus Coſuter.*

*M. Urbanus de Vandencſſe.*

*M. Benjamin-Ludovicus Lucas de Lawrember.*

*M. Joannes - Ludovicus le Thieullier, Regis Conſiliarius in majori Conſilio, & in magna Franciæ Præſecturã Medicus ordinarius.*

*M. Theodorus Baron, vici Herbariæ Profeſſor designatus.*

*M. Leander Penget.*

*M. Nicolaus le Roy de Saint-Aignan.*

Proponebat Pariſiis, **BARTHOLOMÆUS-TUSSANUS LE CLERC**, Rothomagenſis, Saluberrimæ Facultatis Medicinæ Pariſienſis Baccalaureus;  
A. R. S. H. 1746, à ſextã ad meridiem.